



O'ZBEKISTON RESPUBLIKASI VAZIRLAR MAHKAMASINING QARORI

20 20 yil « 25 » август

№ 511

Toshkent sh.

Андижон вилоятида ахборот технологияларига ихтисослашган технологик паркни ташкил этиш чора-тадбирлари тўғрисида

Андижон вилоятида ахборот технологиялари соҳасини ва дастурий маҳсулотлар ишлаб чиқаришни янада ривожлантириш учун қулай шарт-шароитлар яратиш, ушбу соҳадаги стартап-лойиҳаларни ҳар томонлама қўллаб-қувватлаш орқали вилоятда инвестиция муҳитини яхшилаш, ички ва ташқи бозорларда дастурий ҳамда юқори технологияли маҳсулотлар ва хизматларни тарғиб қилишга кўмаклашиш, вилоятда ёшларнинг ахборот-коммуникация технологиялари соҳасига бўлган қизиқишини янада ошириш, уларга замонавий рақамли технологиялар, дастурлаш асослари, электрон тижорат йўналишларини ўргатишга кўмаклашиш мақсадида Вазирлар Маҳкамаси **қарор қилади:**

1. Қуйидагилар:

Вазирлар Маҳкамасининг “Андижон вилоятида аҳоли, шу жумладан ёшлар ўртасида компьютер технологиялари ва Интернет жаҳон ахборот тармоғидан самарали фойдаланишни ташкил этиш чора-тадбирлари тўғрисида” 2019 йил 20 ноябрдаги 921-сон қарорига мувофиқ Андижон вилоятида жами 16 та рақамли технологиялар ўқув марказлари ташкил қилиниши белгиланганлиги;

Андижон ахборот технологиялари касб-ҳунар коллежининг Андижон шаҳри, Бобуршоҳ кўчаси, 2-уй манзилида жойлашган бино ва иншоотларида (кейинги ўринларда – объект) Андижон “Digital City” технопарки (кейинги ўринларда – технопарк) ташкил этилганлиги маълумот учун қабул қилинсин.

2. Ўзбекистон Республикаси Олий ва ўрта махсус таълим вазирлиги, Давлат активларини бошқариш агентлиги ҳамда Андижон вилояти ҳокимлигининг объектни Андижон вилояти ҳокимлигига давлат мулки сифатида оператив бошқарув ҳуқуқи билан бепул бериш тўғрисидаги таклифига розилик берилсин.

3. Қуйидагилар технопаркнинг асосий вазифалари ва фаолият йўналишлари этиб белгилансин:

технопаркни буюртмалар билан таъминлаш мақсадида вилоятдаги ташкилотлар учун жорий этиладиган маҳаллий дастурий маҳсулотларнинг устувор лойиҳаларини амалга оширишда маҳаллий буюртмалар портфелини шакллантириш;